

甲骨文發現之歷史及其材料之統計

一 序言

二 出土毀滅時期

三 土人挖售時期

四 機關發掘時期

五 倭寇掠劫時期

六 材料之統計

一 序言

甲者龜甲。骨者獸骨。殷商王室常利用此兩種資料。占卜吉凶。既卜之後。每就其上。寫刻卜辭。占辭。亦間記驗辭及其他單簡之記事文字。是即所謂甲骨文也。論其出土。則自今河南省安陽縣城西北五里之小屯村。及其附近二里之後岡。八里之侯家莊。殷墟之地。論其時代。則當盤庚遷殷至紂之滅。二百七十三年。倘周武王克殷。為西元前一一二二年。蓋殷商後半期。信則甲骨文之時代。約當西元前一三九五至一一二二年。蓋殷商後半期。

之物也。

古人何以遇事必先卜而後行，此為人類學民俗學上之問題，非數語所能解決，可暫存而不論。據地下發現之資料，骨卜之事，在早於殷商分佈於東方之龍山文化時期，即已有之。不過卜法簡單，尚無刻辭。至於殷商，其卜法乃有極顯著之進步，有採料之人，有貞卜之史，有寫刻之吏，有收藏之官。於獸骨之外，又以與南方交通而漆龜卜一種，龜用腹甲，亦用背甲，獸骨以牛骨居多，每用胛骨。其於卜事，則占卜之後，十九皆刻文字。有卜辭，有兆辭，有占辭，有驗辭，亦間或刻有與卜事有關之簡單的記事文字。其所占之事，大者如征伐、軍事、農業、生產、祭祀、典禮、疾病、災祥，小之如婚姻、生育、田獵、遊逸、出入、行止、風雨、幻夢，幾於無事不為。因此乃遺吾人以極豐富之資料。論其單字，約有五百，論其長文，或至九十餘字，以文字為漢以來，小學家若張杜、楊許，所不得見，以歷史言，乃孔子當年所嘆為杞宋不足徵者，不意吾人竟於二三十年後之今日，尚能見之，其可慶幸為何如哉！

余嘗畧作統計，自甲骨文發現迄今四十餘年以來，研究甲骨文而有論著者，共一百八十七人，其中本國學者一百五十人，日本二十人，英國七

人美國四人、德國三人、法國二人、俄國一人。論著專書一百有六，論文三百九十有七，共計五百零三種。何其盛耶！但以多不免於片斷零星，故亦終難解決殷商整個文化問題。乃竊不自揣，擬以三數年之力，整理舊稿，寫印甲骨學論叢若干集，以為商史研究之長編。然後以二十萬字，寫一殷商新史，期於甲骨文作一整個之清算，以備通儒之採擇。其方法步驟，以及甲骨文之卜法、卜辭、文例等等，均於拙著甲骨學緒論詳之。至四十餘年以來，甲骨文如何發現，其所發現之資料，共有若干，則為本文所擬解答之問題也。博聞君子，幸進而教之。

二 出土毀滅時期

甲骨文最早之發現，或謂當在秦漢時代。此甚有可能，因自戰國迄秦漢以來，盜墓之風甚盛，侯家莊殷代皇陵，即有被漢人盜掘之痕跡。小屯村為殷都，亦有墓葬，則其被盜時，無意中發現甲骨自屬可能之事。但必謂緯書中所稱，丹甲青文之河圖洛書，即是甲骨文字，則仍嫌證據不足，難以取信耳。

及於宋代，相傳鄆郡河壘甲城曾發現不少之殷代銅器，據呂大臨考古圖所載有：

乙鼎河南文潞公藏得於鄴郡亶甲城

瓊簋鼎得於鄴郡漳河之濱

商兄癸彝頴川韓氏藏得於鄴

亶甲城河南王氏藏得於鄴亶甲城

足跡爰廬江李氏藏得於鄴聞此器在洹水之濱亶甲墓旁得之

除此之外其見於宣和博古圖錄王休謫堂集古錄薛尚功歷代鐘鼎彝器款識無名氏續考古圖王厚之復齋鐘鼎款識者若召夫鼎冊命鼎父癸鼎元單父鼎單從鼎單從鼎己酉戊命鼎子父癸酉父丁彝四從彝五單從彝古單從彝七單從彝八子父癸甫九等器就其形製花紋款識觀之均為殷器亦當於宋代自同地出土元納新河朔訪古記述其出土情形曰

安陽縣西北五里四十步洹水南岸河亶甲城有塚一區世傳河亶甲所葬之所也父老云宋元豐二年夏霖雨安陽河漲水嚙塚破野人探其中得古銅器質文完好畧不少蝕衆恐觸官法不敢全貨於市因擊破以鬻之復塞其塚以滅跡自是銅器

不復出矣。

所謂鄴郡亶甲城所謂洹水之濱三二均即今小屯殷墟之地。此由河朔訪古記言安陽縣西北五里四十步洹水南岸可以證明。當時殷墟銅器既曾大批出土。甲骨者在殷墟幾手遍地皆是。則同時出土者亦必甚多。所惜漢宋甲骨之出土僅極屬可能而絕未見於記載。豈以古之發掘者因不識其文字遂與陶石骨器之類一併毀棄之耶？

近清光緒二十五年公元一八九九年前之數十年以來小屯村北洹水之殷墟農田中於犁種之時又常有甲骨發現。上有文字且有塗朱者土人不知以為藥材檢拾之售於藥店謂之龍骨。小屯村有剃頭者名李成自後終其身即以售龍骨為業。今已老死。所謂龍骨多半即為甲骨文。售法有零有整零售粉骨為細面名曰刀尖藥可以醫治創傷每年迎春會出售。整批則售於藥材店每斤制錢六文。骨質過堅者常遭棄舍有字者多被刮去。三二

羅振常洹洛訪古遊記亦記其事曰：

此地埋藏龜骨前三十餘年已發現不自今日始也。謂某年某姓犁田忽有數骨片隨土翻起視之上有刻畫且有作殷色者。

即塗朱者不知為何物。北方土中埋藏物多。每耕耘或見稍奇之物。隨即其處掘之。往往得銅器古泉古鏡等。得善價。是人得骨以為異。乃更深掘。又得多數。姑取藏之。然無過問者。其極大胛骨。近代無此獸類。土人因目之為龍骨。携以視藥舖。藥物中固有龍骨。龍為今世無龍。每以古骨充之。不論人畜。且古骨研末。又愈刀割。故藥舖購之。一斤纔得數錢。骨之堅者。或又購以刻物。鄉人農暇。隨地發掘。所得甚夥。檢大者售之。購者或不取刻文。則以錐削之而售。其小塊及字多不易去者。悉以填枯井。

三三

以上出土之後。隨即毀滅。為甲骨文發現之第一期。

二 土人挖售時期

甲骨文歷經極長久之毀滅時期。至光緒二十五年。王懿榮始認識其為古代文字。時王懿榮居京師。病痞服藥。用龍骨購自菜市口達仁堂。忽見其上有契刻篆文。大為驚訝。王氏故治金文。知其物古。乃至藥肆詢其來歷。並擇其文字較明者。盡購之。自是甲骨文始見重於人間。

山東濰縣有古董商名范維卿者。知王氏喜甲骨文。乃以十二版售之。

每版價銀二兩。三。五光緒二十六年二九。○春范賈又挾甲骨百餘片走索師。示王氏。王氏見之狂喜。以屏值留之。三。方其後范賈又得八百片。亦售歸王氏。據云其中有全甲一版。凡五十二字。濰縣趙執齋藏有數百片。後亦為王氏得之。三。七總計王氏前後所得。約在一千四百五十片左右。是年秋義和拳亂起。王氏殉難。其所藏甲骨。大部分售於劉鐵雲。一小部分贈予天津新學書院。三。八又一小部分於民國二八年由唐蘭編為天壤閣甲骨文存一書。三。九

同時蒐求甲骨者。尚有王襄及孟定生。此事前人多未知。今據王襄題所錄貞卜文冊曰

前清光緒己亥年河南安陽縣出貞卜文。是年秋濰賈始携來鄉求售。鉅大之骨。計字之價。字價一金。一骨之值動即十數金。鄉人病其值昂。兼之骨朽脆薄。不易收藏。皆置而不顧。惟孟定生世叔與予。知為古人之契刻也。可以墨蹟視之。奔走相告。竭力購求。惜皆寒素。力有不逮。僅于所見十百數中。獲得一二意。謂不負所見。藉資考古而已。後聞人云。吾儕未購及未見之品。盡散售諸福山王文敏公。翌年濰賈復來。所携亦夥。定老與予

各有所獲值稍賤故吾儕得償所願焉。未幾孝匪亂作避地他鄉不復講求此學。比歸鄉里定老出所藏貞卜文寫本見示因假錄之為一編凡三百三十品。某子自藏者為二編凡二百二十品。三編十四品錄自雜賈。最括五百六十四品成書一卷其文多殘闕字尤簡古不易屬讀爾時究不知為何物予方肆力於帖括業遂亦置之不復校理後學于京師高等實業學堂甲辰己巳年間日課餘閒始治其文字知此骨有龜甲象骨二種乃古人占卜之用品文即卜時所記所謂命龜之辭與占驗之兆也字之可識者多因加詮釋與諸同志討論之庚戌秋羅叔老貽所著殷商貞卜文字考說多符合益證予說不誣羅氏定為殷商遺物亦足徵信今年簞室殷契類纂頒收此錄中字惟釋文有未當者類纂中一一是正至此錄之舊釋不加刪改欲讀者知予治此學問今昔之進退果何如耶三〇

又題易稽圖殷契拓冊曰

當發現之時村農收落花生果偶于土中檢之不知其貴也。雖賈范壽軒輩見而未收亦不知其貴也。范賈售古器物來余齋

座上訟言所見。鄉人孟定生世叔聞之。意為古簡。促其詣車訪求。時則清光緒戊戌冬十月也。翌年秋。携來求售。名之曰龜版。人世知有殷契自此始。甲骨之大者。字酬一金。孟氏與余皆困于力。未能博收。有全甲之上半。珍貴逾他品。聞售諸福山王文敏公。觀范賈所携。知有龜甲獸骨二種。余藏有數骨。色變黑褐。質仍未朽。疑為象或駝骨。且由卜字上吉字。知為三古占卜之物。至于殷世。猶未能知。清季出土日富。購求者鮮。其值大削。余時讀書故京師。凡京津兩地所遇。盡以獲得。汰其習見之文字。細屑之甲骨。最括存四千餘品。拙著殷契徵文所錄。皆寒齋舊

儲王一

則王孟兩氏之搜購甲骨。至少當與王懿榮同時。其所獲至少亦當在五百五十片以上。而後來王氏所購尤多。至四千餘品。其所著盦室殷契徵文即其物也。

光緒二十八年（二九〇三）王懿榮之子王翰甫出所藏古器物。清夙債甲骨十餘片。最後出悉數。售與劉鐵雲。方若又得范賈所藏三百餘片。後亦歸劉氏。趙執齋更為劉氏奔走。齊魯趙魏之郊。凡一年。前後收得三

千餘片。劉氏復命第三子大紳至安陽搜羅，又得千餘片，總計劉氏前後所得約五千片而強。三三光緒二十九年。九。三就其中選拓一千零五十八片，編為鐵雲藏龜宣統二年。一九一〇劉鐵雲以庚子買倉種事得罪，流新疆死。所藏甲骨未出版者，一部分歸羅振玉於民國四年。一九一五印為鐵雲藏龜之餘。三三一部分千餘片，為其中表卡子休所得，後售與上海英籍猶太人哈同夫人羅氏。三四於民國六年。一九一七由王國維三五代編為戩壽堂所藏殷虛文字付印。一部分歸葉玉森葉氏以其中之小部分於民國十四年印為鐵雲藏龜拾遺。三六一部分歸福開森，後由商承祚於民國二十二年。一九三三編為福氏所藏甲骨文字。三七一部分二千五百餘片，於民國十五年。一九二六為商承祚及其友人合購，後由商氏選其文辭少見及字之變異者，手拓六百餘紙於民國二十二年。一九三三編入殷契佚存。三八一部分歸吳振平，後由李旦丘於民國二十八年。一九三九編印為鐵雲藏龜零拾。三九一部分歸柳詒徵大約今中央大學所藏之四百餘片，即其物，近已由李孝定摹印為中央大學史學系所藏甲骨文字。一部分歸陳中凡，一部分歸沈維鈞，均已由董作賓編入甲骨文外編，惟尚未付印。一部分歸王澐。

光緒三十年（一九〇四）冬，小屯村地主朱紳率領農佃大舉挖掘甲骨文字於村北洹南之朱氏田中，搭席棚，起爐竈，工作甚久，所得甲骨盈數車，大約為西人得之。

光緒二十九年（一九〇三）美國長老會駐維縣宣教士方法欽及英國侵禮會駐青州宣教士庫壽齡在維縣合購甲骨文字甚多，以其四百片讓於上海英皇家亞細亞學會博物館，其後曾由及普生摹寫一過，發表於中國雜誌二十一卷六號，又以其七十餘片讓與山東維縣聯合文理學院教會學校校長柏爾根氏，後由明義士整理發表於齊大季刊第六七期，二者又並見方法欽所募之甲骨卜辭七集，方庫二氏既買得第一批甲骨，其後（一九〇四—五）從河南來山東者絡繹不絕，二氏遂盡量收買，讓與美國卡內基博物院，後又得一批，售與蘇格蘭皇家博物院，繼又得第四批，先為二氏合購，後歸庫氏一人，其後於一九一一年（宣統三年）又售歸大英博物院，光緒三十二年（一九〇六）方氏又購百餘片，後歸普林司敦大學，其拓片曾由白瑞華氏發表，後又發表於方氏所募之甲骨卜辭七集中，光緒三十四年（一九〇八）英國金璋由方法欽之助，亦購得甲骨文字八百片，後由方法欽摹寫發表為金璋所藏甲骨卜辭一書。

宣統元年，一九〇九，德人威爾次在青島購得甲骨七二版，今存德國柏林民俗博物院。又衛禮賢亦由青島購七十二片，其七十片現存瑞士巴爾民俗陳列館，一片現存德國佛郎佛中國學院。另一片佚，後由方氏摹寫發表於其甲骨卜辭七集中。總計早期西人所購，約在四五千片以上也。四二

同時黃心甫購得六百版，端方購得千版，徐枋購得一千三四百版，大抵皆經范手之物。而黃氏之物，約即售出一部分，或於民國二十四年，由其子黃濬編入郭中片羽中。端方之物，聞至今尚有未售出者四百片，而徐氏之物，後售與燕京大學，於民國二十二年，一九三三，由容庚置潤繕編為殷契卜辭一書。而又一小部分，售與福開森，後於民國二十二年，由商承祚編入福氏所藏甲骨文字中。而五又沈曹植王瓊黃仲慧劉季饒盛昱等，亦先後各有所獲，惟下落未詳耳。

宣統元年，一九〇九，村前張學獻家地，因挖山築溝，發現甲骨文字，村人相約挖掘，得骨白及骨條不少，大約為羅氏所購。而云

羅振玉於光緒二十八年，一九〇三，在劉鐵雲家，見甲骨墨拓本，嘆為漢以來小學家，若張杜楊許所不得見之文字奇寶，乃慈忠劉君亟拓

墨為選千紙編為鐵雲藏龜一書并為製序曰古至光緒三十二年二九
。古乃開始收集惟亦僅由估人手中間接購之又承劉鐵雲之誤信范
估所言以為甲骨出於湯陰至宣統二年二九一〇從估人之來自中州
者博觀龜甲獸骨數千枚選其尤殊者七百并詢知發現之地乃在安陽
縣西五里之小屯而非湯陰因遣山左及厥肆估人至中州瘁力以購之
一歲所獲殆逾萬意不自歉復於宣統三年二九一二命弟子敬振常婦
弟范恒齊兆昌至洹陽採掘之所得又再倍焉曰八

羅振常作有洹洛訪古游記載當時購買甲骨情形甚詳茲擇錄數
段以見一斑

土人售此絕少大宗緣村人數十家各售所掘甚至一家之兄
弟婦稚亦不相通假人持自有之骨故來必數人或十數人匪
筭相屬論價極喧擾間有大宗則數人合掘一坎以所得藏於一
家封誌之不得獨發既售乃分其資有一家藏骨甚多者必以
良窳相錯均配為若干分陸續售之恐一次售出不得善價也
每有童子持骨未售雖甚少且破碎亦有佳者蓋掘者於土中
檢之未盡兒童乃拾取之有遺棄滯穗之風焉

骨價殊不昂。自叔兄振玉所作貞卜文字考出，漸有知其可貴者。日本學者亦多求之。范君言：向惟山東估人收此，客冬京估亦來爭購，價乃大昂，今不易購矣。西九

出龜甲地，在村後田中，有二段，一為舊發掘地，在村北偏東二百步，掘之於三十餘年前，今無骨矣。一為新發掘地，又在舊地北數百步，始掘於十餘年前，骨尚未盡，土人掘一坎，取骨後即填平。今舊地尚有二穴，未填滿，每穴長約七八尺，濶四五尺，深二三尺，作長方形。新地有一穴，正掘，云此為田主僱人發掘，已七八日，尚未得骨。由村後北至洹河約二里弱，東至洹水僅數百步，約當北面三分之一。由村後遙遙而北，中間為一帶高地，較平地高二三尺，龜甲多出此。及近水溪，地漸低削，土人謂出骨最多處，面積約十三畝云。村口亦有一坎，未填滿，較前坎大深三四尺。據云：此穴向亦出骨，因掘時土塊崩落，壓損掘者韓姓之腰，遂輟工。可知有骨地，不必盡在村後，村中亦有之。惟上有居宅，不便發掘耳。至。

出骨之地，多非土人自有，而別有田主，其出骨最多之十餘畝

為朱姓產初掘時田主不過問近知有利乃令就所得價中抽若干為稅金土人不允遂禁止發掘而自僱人掘之土人又於夜間盜掘主人覺使人監守客冬掘者與監者互毆破二之顧乃與訟今尚未結田主因不明地之方位某處已掘某處未掘漫掘之往往無所得且僱工給糧多需費用亦得不償失前所見新地正掘之坎後竟無骨發現委之而去土人快之云

前昨兩日有京估康某等來頗探詢吾輩收買情形恒軒因言今日至小屯必完全收買劣者盡已可放價收其精者勿令若輩得之乃提前午餽邁步出門至彼後享議佳品謂吾輩將他往今將價加足更不成則將舍旃磋議良久皆就緒尋常品亦購數宗最後僅餘二三筐未購皆棄材也滿載而歸兩人均欣躍云

又記當時購買青華圖錄數大骨之情形曰

昨日所得以小塊龜甲為多中大者少然得二大塊見殷虛書契青華第三葉第五葉厚宣按三五兩葉為同一骨版之反正兩面此數字必有誤五字或當作四尚有二塊全版滿字而塗

朱者索價過昂未能購定。

是日計所得龜骨已不少而資斧將竭餘資僅可再收二日恒軒謂余此次大塊不多前僅得大塊一青華第四葉然骨雖大而字少昨得二片則骨大字多然有破缺終不如昨見塗朱之大片此片京估至必以善價將去殊不能捨不如以二日之資單購此片余亦謂然餐後渠獨至小屯留余在寓檢點色紫各物並約如此片可得明日即運物北行再携資來購買不成明日續收一日後日成行匆匆遂去。

恒軒去二三時欣然歸來隨一土人提柳筐卧大骨片於中恒軒出骨於筐如捧圭璧蓋即昨日議價未成者也青華第一葉土人收資去恒軒乃言初雖增價彼愈堅持後告以余等將他往可售則售不可則已匆匆欲行有一老者留其姑坐而與其子及諸人密議似欲買某姓之地將以此為地價者良久乃議決售之此片有百餘字數段皆文字完全為骨片中所僅見此家有此片已久小屯人及估客多知之待價而沽不肯輕售余等初至小屯時即向索觀時并無價遂無可商昨日忽出此且